


涇陽鄉土志



陕西省图书馆藏书

书号

卷号

0762

涇陽鄉土志卷三

耆舊下

國朝

周之桂字鷺飛咸甯人明癸未進士順治初授秀水令  
 招徠撫綏流亡安集有盜朱大定不受制寘之法以卓  
 異授刑科給事中轉兵戶二科請甄別學臣暨蠲直省  
 宿逋辛卯典試江西累遷至通政使先是居母喪哀毀  
 溝疾日益劇累疏乞歸後二十年卒壽八十祀秀水名  
 宦孫琛清河知縣瑢城固教諭

山書



書號	0631	107.3
登錄號	原12399	

00762

勇略

楊林有城茂核

不和即此否

忠已抄

胡茂正榆林人寄居涇陽明末官榆林總兵李自成陷

京師會 本朝定鼎正率眾迎下江口破江甯定鳳陽

旋定徽州討劉文進斬盧名臣降孫可望遂平雲貴經

畧甯夏討鄖陽進左都督以疾歸方茂正平微甯眾議

屠城正得約誓四丹悉焚之全活甚眾至被掠婦女悉

封之公所許親屬領歸百姓立生祠焉

馬御輦明辛酉解元順治間任如臯令會海寇肆逆力

護城保民竟死於賊康熙元年卹贈江南按察司僉事

張恂字禕恭明癸未進士順治初官中書以文章名著

文學

○

有焦山堂集西松館集行世工繪事嘗召畫內廷稱善  
雷仕俊字伯顓博學能文與王巖齋齊名時人稱為王  
雷明末避亂淮揚與三原縣孫豹人交最深又與魏永  
叔兄弟相友善故三魏集中極推其能文著有艾陵詩  
鈔艾陵文鈔行於世

樊望字萬夫崇貞進士順治初授衛輝府推官時郡有  
嘯聚者數千人望請於巡方單騎入賊巢開諭禍福賊  
泣投戈未幾以疾歸

孟嶠進士任靈石縣知縣康熙元年行取入京性方鯁

不諧時宜以錢糧一錢二分錯訛駁之後改補閩鄉知

縣不數月解綬歸

廉能

孟培初舉人任安成縣知縣清除積弊凡衙蠹土豪有

廉能

不軌者悉置之法四境清肅民獲安堵後卒於宣

宣

廉能

孟培心舉人任懷來縣知縣有循聲行取補工部屯田

主事以疾歸

廉能

劉儀恕字喻人舉人授武定牧武定濱海田多斥鹵恕

招撫流亡三百餘戶編審增新丁一萬餘口陞潞安同

知再陞平陽知府捐修晉山書院成就人材白蓮教柳  
德煽亂偵實掩捕之牽累數千人恕力為平反只論死  
十九人餘悉釋去子灝涵必俱進士沆舉人

張重齡舉人邢台令邑有冤獄株連無辜守索厚賄不  
得必欲置之死重齡洞悉其冤卒昭雪擢工部都水司  
主事屢應差使有能聲子鼎梅進士任東明令循良有  
父風

李念慈字此瞻進士由河間司理改授新城令河決後  
田多被湮民苦逋賦念慈不事徵比甘以催科無術報

罷民藉少安丁艱後補景陵應博學宏詞不與選性嗜  
遊覽足跡徧天下所交皆海內知名士著谷口山房集  
任璣字公羲少力學工文進士令滕邑明季流亡保甲  
廢弛璣保置長鄉設約山中多伏莽擒斬首惡餘令歸  
農南接徐碭民抗不輸賦璣編審戶口欺隱悉絕賦無  
逋漏瀕海多蝗令衆捕之旬日積四千餘石蝗不為災  
先是河臣令璣督濬八閘河道如期告竣擢兗州府倅  
分司加河尋改運河同知運河自黃淮以上灌輸恃七  
十二泉璣疏源滌流糧艘無阻又築漕河東堤泗河西



堤以捍水患時奸民請築南旺西湖以擅水利璣謂汝  
河秋漲賴此洩水築之則八斗必塞運道將梗事遂寢  
遷長蘆運司建議引鹽積滯必通銷於引鹽不至之地  
其產鹽州縣例不食官鹽者奸商作引至數千計請悉  
罷於是商力漸甦鹽課無損陞直隸守道以良鄉旗民  
經界未正奉

旨勘驗濬暑積勞得疾卒

宗琮字侶璜進士宰長垣為政識大體強民侵没人田

弱者無以輸賦多逃亡琮悉其弊謂清賦當自經界始

厲

履畝查丈伏田悉出受賦丁內艱服闋仍補長垣惠政

如前民置生祠後陞沅州知州

勇略

王大綸武進士由守備陞平樂府都司徭人負險叛綸

扼其出入困月餘徭乏食有逸出就撫者綸置毒酒米  
中遺之被毒者十之五六綸搗險直入誅其渠魁餘悉  
降出被掠男女五百餘人

孟琅由歲貢生效力軍前議叙授光化縣調補長陽陞  
宜昌府通判

樊英武進士由侍衛陞雲南鶴麗營中軍不附吳逆為

唐科 ○

亂逃歸奏白擢江陰水師營遊擊

姜夢熊武進進士推宣府萬全右衛守備衛北消水遶城

勢將浸沒夢熊率兵民築堤五十餘丈以護之人稱曰

姜公堤

唐修 ○

梁爾壽字山公涇陽監生令崇義時縣為賊據爾壽疾驅至

境開諭禍福賊遂散招流移市耕具拊循勸課三年復

其舊福建汀郡同知調臺擢兵部員外郎轉工部

郎中授湖北德安荆僉事署臬篆有許八父子招亡匿

盜吏不敢詰捕置法後分守山東登萊青道尋致仕歸

廣終口

居鄉濟困扶危刊簡便驗方行世子崇廕進士

傅和鼎字鹽公舉人任安順黎平知府陞福建運司詳

請各屬埋枯骨修理鰲峯書院培養人才祀名宦子之  
詮進士

劉灝字若干儀恕子進士授編修詩文書翰推重館閣  
間癸酉典試湖廣得人最盛後改御史巡按長蘆刻貪  
戾鹽法道某部牒欲加鹽引灝疏止之尋掌河南道御  
史以呈誤罷奉命纂修廣羣芳譜並康熙字典書成卒

於京

上憫其勞

命弟泌扶柩馳驛歸方模太學生

唐休之

劉涵字宗一溫陽進士授檢討與兄灝有關中二劉之

目辛未分校禮闈所拔皆知名士授揚州守歷南康江

甯所至有聲擢福建鹽運使卒於官

文學

劉泌字鄴侯溫陽進士授編修纂修廣萬姓統譜獲賜周易

折衷康熙字典諸書丁酉分校順天鄉試得士十三人

皆宿學以疾卒於官

補

名

溫陽

王承烈字遜功以五經發解雍正初轉御史巡視東北

兩城時有巨猾倚勢為奸陷富室吞其資事覺承烈寘

補吏科掌印信事中

之法輦下肅然嘗召對養心殿講大學明明德章剴

切敷陳稱旨賞賚甚厚次年以諫垣督湖北漕江陵

荆門諸邑民請就便南免從之省運費數千緡盡汰以

予民而簽丁撥運則以保甲法聯之絕苞苴信賞罰軍

民帖然擢江西布政使司諸弊澄清戊申召拜都御史

尋遷工部侍郎調刑部卒於官承烈兄事性修已治

人子及附監授潞城縣修文廟及各祠宇設義學興

有修城邑考不為隄壞浩相宜修鑿民資灌溉又置

廉似

碾支章兩渡船人不病涉康熙四十二年

駕幸太原為押轎夫至平陽蒙

賜御製詞陞瀘州知州瀘人立石頌德三載卒貧不能

歸櫬

○康廷璧例監通判兼理鹽茶盡革陋規以廉幹稱湖地

隘富室居侵河道或諷曰丈量漕河舊岸可獲數萬金

曰豈忍計利而毀人成業人皆德之終荊州知府子紳

候選州同

周琛字獻公號三峯舉人清河縣令潔已奉公勤恤民

隱革積年陋規柒千餘兩以抒民困百姓德之

勇

○

祁三昇聖陽人以勇畧建績邊方歷任雲南某鎮總兵官提督

官及加詳

貴州晉秩少保兼太子太保予世襲子國祚由貢生歷任江西按察使孫瑛以廕生任懷慶知府琮由知縣歷署鎮江知府卒

周連登字捷三號鏡心進士翰林院檢討改授平鄉縣平邑地瘠民頑登盡心調停寬猛相濟俗為之振遇事有膽識以疾卒於官

唐

符大紀字協五號穆齋進士聖陽邑令唐聖主瀛洲書院仿



廉維男

白鹿洞規條諸生多所成就後授搢雲令明幹有為調  
秀水再補歸安剔釐宿弊撫字編氓歲歉捐俸助賑以  
勞瘁卒於官著有東橋文稿

熊維男以字男舉人湖南安化知縣值歲歉民多欠賦維男捐

廉代完因因公下鄉諄諄以農事勸勉有勸農圖尚存

熊學烈舉人湖南耒陽知縣有兄弟以析產訟者給之  
酒食諭以大義均甘讓產而息爭焉暇即研究圖史解  
組歸家無餘資

常金蘭舉人浙江諸暨知縣歲饑請賑以慈稱陞處州

同知

馬繼志武舉從征教匪身受重傷以軍功任富平營都  
司訓練安撫軍民被澤子三綱武舉

趙彭箴字鶴皋舉人山東新成知縣甫下車即偵獲巨

盜徐二等置諸法境內肅然嘉慶八年黃流泛溢邑幾

為澤國捐資築巨防民免蕩析調滋陽泗河夏漲壩決

駭浪逼城冒風雨搶護城賴以完旋罷歸癸酉復起補

商河令值曹南軍需徵州縣輦運捐廉預備民無滋擾

升武軍司馬獲滑縣竄匪擢武定知府卒於官

唐世 ○ 趙榮秀彭錢姪湖南永興典史壬辰粵匪驟發縣治毗

連時榮秀因縣令在在省誓眾守城獲賊謀三人賊知有備

不敢犯後卒於官

趙秉鉞歲貢生彭錢姪兩當訓導循循善誘教士以倫

紀為先詳請開復革生數名又知自新卒於官

張琦號魏堂福建邵武府知府以召對稱

唐世 ○

旨升浙江鹽道值南巡隄工久廢琦經理西湖工段

一律鞏固升兩浙運司署廣東臬篆卒於官子七人俱

仕

張珽號鶴山由明通仕至河南府知府升福建臺灣道

卒於官河南建有生祠子五倫五緘另有傳

唐

○張五典號荷塘舉人知江蘇上元縣邑有大猾某犯法

嚴治之攝徐州篆動帑修洪河故道民得不擾鄉試時

秦淮水溢闈舍捐俸置木橙萬具士得無苦尤精八法

工吟咏在建康時與袁子才及趙甌北王夢樓相唱和

著有荷塘詩集子菊大名知縣有循聲孫師孚知縣

研試師斗籍諸生

唐

○張五誥號芝軒貴州郎岱同知其地苗民雜處重財輕

廖姓

生五誥導以禮義又捐俸創建書院延師訓課民立生祠

張廷號鶴山  
張真任涇陽由明通仕至河南知府升福建台灣道河南

為立生祠子  
五倫四川候補鹽大使  
上遊器重事之艱鉅者悉奉

署安縣昭化縣事  
署安縣昭化縣事  
聲後以西藏不靖辦糶

糧芻秣日夕不懈積勞成疾卒於官子蔭  
嗣子蒂

至都察院左副都御史

廖姓  
張五緯字蓮浦號治堂江西瑞州同知審讞必虛衷研

鞫不以刑求務得其實旋以平反巨案緝獲正兇升知

府任直隸廣平時辦五臺大差  
召見九次升通永

道權山東臬司署藩篆罣誤免官著有未能信錄風行

錄八宜家訓子藩陽護葆俱仕宦

# 廉性

張五緘字夢禪湖北知縣署松滋江水陡漲隄幾潰捐

俸募築露處隄上七晝夜同無恙署雲夢過各省餉鞘

三百餘萬捐小車轉輸民免遞運之苦署宜城聞襄河

沉沒商船赴岸命撈尸棺斂之財物皆還尸親署穀城

有盜傷事主輪姦幼女案訪獲渠魁三人置之法署當

陽雪民婦李氏寃得免死崇陽京山平反寃獄活人甚

衆補安陸二十日以疾歸畫山水宗三王子苑藻俱仕

出繼子希官至都察院左副都御史

馬啟泰號雪橋王觀察延修涇渠志並留佐幕務 國

史館 武英殿纂修蒙 賜香囊瓜果陞詹事旋以病

歸

徐法績字定夫一號熙菴嘉慶丁丑進士選庶吉士改  
編修擢監察御史轉刑科給事中以禮科給事中主湖  
南鄉試旋奉命分巡河工轉太常寺少卿還朝未幾移  
疾歸卒於家生平志行正直而淡於進取始官翰林以  
親老告歸十餘年親沒服闋乃轉官既為御史前後疏

崇有錄

數十上悉關大體上悉嘉納當為刑科給事中稽察銀  
庫同官某與庫丁共為姦匿雲南餉銀四十餘萬兩時  
法績適入禮闈及出乃發之其後庫獄大興先後管庫  
者皆以賄伏法或以失察黜官獨法績得免是歲為道  
光壬辰主試湖南甫入闈副者即病卒法績獨專其事  
自房薦外必撻取其遺者同考官至聲厲不為動榜出  
所舉皆知名士而得於遺卷者六人湘陰恪靖伯左宗  
棠巴陵吳敏樹尤其最著者也

庫  
聶紹祖號筱軒舉人安徽宣城令聽斷如神為上游所



引重初署鳳臺時關嶂聚於匪千餘人交通吏胥嚇詐  
市商汎弁不敢問紹祖密白總戎聲言捕盜他處繞道  
關嶂掩其不備擒匪首置之法有樊甲與李乙鬥甲死  
乙賄甲兄寢其事紹祖偵知甲族人會志與甲妻通乘  
甲乙鬥方力潛納石袖中佯為解勸而以石擊甲頂致  
斃一邑稱神後以公事干吏議歸卒於家子灃禮部主  
事軍機章京沅庠生

趙士桐字琴軒嘉慶己卯舉人大挑知縣分發直隸補  
藍山令慈惠精明民情愛戴至今秦人有過藍山者猶

必詢其趙公後嗣何如

韓綬字荇漪嘉慶辛酉拔貢生 朝考以七品小京官

觀政刑曹後陞主事道光乙酉中北闈乙未成進士仍  
分刑部熟習律例勾考精當尋擢郎中卒

怡文煒字魯亭嘉慶庚申舉人大挑知縣煒性好學問  
自以為才力不足呈請改教職授靈州學正日與生徒  
究六經之旨歸證百代之得失意甚適也暇則取醫卜  
星相天文地理風角六壬等書考究務得其精時州牧  
病劇羣醫束手煒視之曰病為藥誤上焦欲焚而復以

薑桂助其勢是止沸而添薪也安得不危另主方刻而  
病良已收甚感以千金為壽辭弗受收終不忍負以州  
衙唐渠水利歸學官歲收其息以資養贍歸號松齡道  
人

廣德 ○

韓振歐字雪坡涇陽人道光癸未成進士入詞

垣丙戌散館銓直隸廣平縣知縣旋以卓異調清宛循

聲卓著為輦下第一

孫念祖字退菴道光涇陽人平已舉人己丑進士分發廣東補

長樂縣知縣任事甚勤案無留牘先知英德縣號難治

廣德 ○

巨案疊出當途每因循自諱以至久懸念祖立限緝捕  
悉獲正法案銷而民無冤濫粵中向有會匪蔓延朱幹  
臣中丞檄委查辦念祖徧歷郡邑審其大半皆良民為  
所脅從拘首惡數人懲之餘盡請釋全活無數大府以  
是賢之旋解組歸里主講關中書院

門下多通經之士

志抄過

馬

張芾字黼侯一字小浦道光十五年進士以二甲第一

涇陽人

人散館授編修連充會試同考官廣東江西鄉試正考

官由春坊右庶子轉左春坊左庶子二十三年以大

考升少詹事授安徽學政旋改授江蘇學政任內授工

部右侍郎到京後調吏部右侍郎兼戶部右侍郎轉戶

部左侍郎旋授江西學政奉命密查袁州協副將達崇

阿及九江知府劉熾昌被參各欵請分別懲辦奉入許

之是歲

文宗登極下詔求言芾以四條奏入一明黜陟以勵人  
材一寬出納以培元氣一禁糜費以端民俗一求制勝  
以重海防上嘉納之咸豐二年由江西學政命署江西  
巡撫旋授江西巡撫時粵匪竄入湖北攻陷武昌奉命

於大江兩岸扼要防守尋賊竄入九江芾自請罪重治

罪得旨着革職留任仍命於沿江一帶密為防範旋以

保守南昌激勸兵勇登陴固守九十餘日圍解開復革

職留任處分是役也芾保奏出力文武各員弁上以人

數過多保舉過優下部核議部議未上芾又申奏致辨

奉旨嚴責先是芾奉請截留滇黔銅鉛銀兩上以不識

緩急駁之至是廬州需餉孔亟奉諭着將前次銀兩起

速解廬州復申奏借詞失當上怒下部議褫職並奉旨

着發往安徽軍營交將軍和春巡撫福濟差遣委用旋

以修 兩江總督怡良奏請督辦皖南軍務 剛後出力海復

官 三品京堂尋授都察院左副都御史 芾督辦皖南

軍務前後六年丁 因軍務吃緊朝命奪情至十

年呈請回籍葬親補守服制允之到籍陝西回匪滋

事復奉命督辦陝西團練事宜芾以回民亦食毛踐土

豈不可以理諭遂於同治元年四月親往彈壓行至油

坊街被回匪擁至渭南之倉頭鎮芾曉諭百端責以大

義回衆頗有感悟逆首任老五謂不戢芾無以堅衆心

喝令其黨擁出芾坐地大罵目皆皆裂賊支解之 凡從

行之屬吏僕役等悉被害旋經陝西巡撫英榮奏入奉

事賜恤如例子謚文毅賞給騎都尉兼雲騎尉世職襲

次完特以恩騎尉世襲罔替並准於原任省分及陝西

省城設立專祠其事蹟宣付國史館立傳凡張氏

門眷屬家丁人等臨事凡徇難者均准附入陝省專祠

聶雲字雨帆涇陽拔貢朝考七品小京官中式北闈鄉試

以禮部主事擢軍機章京深受知於成廟凡軍機擬

諭進呈有不稱旨者上曰可令雨帆另為之其見重如

是後因黨穆被參歸籍督辦團練及涇城失守死於賊

忠節抄



唐林

劉維禧字吉人積學能文道光壬辰以第一人中式丙申成進士補湖北黃安縣知縣以罪誤歸講學鄉里四方知名之士多從遊焉

孟生萼字棟棠廩生以道員分發四川候補道

光十年猓夷犯蜀邊琦制軍知生萼能濟大事委權建

昌道篆且飭進勦萼督兵直抵猓境軍令嚴肅雖草木

未嘗妄取復剴切曉諭示以利害猓夷感之

是役也兵不血及而萬民安堵凱旋之日制軍深為加

賞

文學。

劉世奇字正夫號鄭谷道光甲午舉人隱居教授人多

宗之著有鄭谷詩存四卷

涇陽人

文學。

許時字子中別號荔媻其先晉人父誠字聖一工書僑

居涇陽遂家焉時以道光丁酉拔貢朝考七品小京官

旋中癸卯鄉試

後

成進士入詞林擢中允性耽山水

久滯京師非其所願兼以天下多故遂絕意進取歸主

豐登書院旋避亂臨晉主桑泉書院所至多所成就尤

長於詩畫詩則直寫性靈秀韻天成畫則酷似南田而

神韻過之書法追蹤二王迥非近人所及故至今藝林

得其片墨如獲拱壁而畫尤為輦下所豔稱焉著有茶豔樓詩集行於世

# 唐德。

徐韋佩字詎菴咸豐戊午舉人熙菴嫡孫也同治六年從事左文襄幕以軍功授平涼知府署西甯知府所至有聲而政尚嚴察雖門丁胥役無敢欺者西甯回漢雜處最稱難治韋佩至任後回漢各安樂業母相爭競蓋其威德之足以服人有如此者任平涼尤多惠政

員在任候陞未幾卒於官

治陽人

# 著文。

怡立方字養源少負才名好藏書過目輒不忘涇陽自

回逆變後井邑荒涼讀書寥寥時以興學為已任許仙  
屏學使擬於三原建味經書院眾以為難勢將中止立  
方面請改建涇陽自任籌萬金為之經營學使喜允  
其請剋期落成規模大備立方之力也  
期開學是味經之成立方實創始焉

孝友

唐

田伯明少孤伯母劉撫伯明思義甚篤劉以壽終伯明  
廬於墓側三年負土成墳齋居菜食時人多高其行

宋

張評事涇陽人五世同居男女百口總服同爨宋金兩朝勅命築義門臺旌表宅里

明

李完字秉全山西甯鄉典史母病矇完顙天舐目尋復

明

潘拱宸性孝友家產靈芝因號芝庵高陵呂涇野先生曾作瑞芝詩以頌之

王之垣字百鎮父忠早逝之垣纔十歲比長授徒養母

偶缺炊有狸奴啣金至人以為孝感所致母性卞易恚  
之垣順意承志病劇露禱請減年益母算既歿毀瘠骨  
立廬墓三年棗悴復榮學使西坡劉公廉其孝雅重之  
之垣弟子胡某列銓曹招入都不赴閉門玩史干旌過  
輒避不出去亦無所報謝言莫逆尤留心性學嘗誡子  
孫曰堯舜事業自一介不取始孫豫立舉人所至正己  
率屬冰玉皜然論者謂本之祖訓云  
王世恩少孤事母孝嘗於旅邸得遺金一囊嘆曰吾欲  
持歸養母彼失金者獨為無母之人哉待三日失金者

至還之母居樓樓忽災恩歸登樓負母出鬚眉無損人  
以為至孝所感子自異貢士

樊茂母疾思食雞茂割股煎羹以進母遂愈邑令路公  
旌其門並請按院謝公給穀二石布二疋歲以為例  
楊開泰生員居父母喪坐卧不離柩側崇貞八年寇至  
家人皆避去泰獨閉戶守靈竟得無恙及葬晨昏至墓  
所拜泣如是者十餘年

武培極生員武嚴子崇貞九年流寇掠培極及母索金  
不得欲殺其母培曰母死我奚存哉寇欲挾培去培又

曰我去母奚倚哉寇怒其不從殺之終憐培孝而釋其  
母

大刀孝子永昌堡人明末流寇掠其母孝子持闕帝廟  
刀飛步追之賊見而懼還其母刀重百二十斤

梁琦流寇焚掠父母被難琦收骸殯號泣柩側鄰人勸  
之走寇且至琦死守不去賊憐之卒得免以子爾壽貴

贈奉直大夫

牛光襄生員闖賊掠縉紳拷餉光襄代父受刑臂肉盡  
剝乃剖羊取皮敷之竟成新肉兩股間羊毛種種終身



不脫人謂誠孝所感

王永春生員徵子逆闖隘關中召徵不至永春代往繫賊所屢瀕於死里俠李文傑等訴於賊賊感其孝釋之以孫貴贈中憲大夫入鄉賢

馮瑄一貫子入太學夢母病心惕馳歸母果病侍養月餘愈遂奉母不出後除吳江縣丞管稅務有廉能名著有五經正義

國朝

聖朝

孝

劉文瑋三歲而孤祖母張氏母魏氏兩世孀居覺覺相

依瑋事之極色養母病步禱峨山求以身代時有一門  
節孝之稱以子儀恕貴封中憲大夫壽八十二祠鄉賢  
雍正七年入忠孝祠

孝子

樊珽父死蘇州珽年十三獨往扶櫬歸遇盜疑其棺有  
藏金欲發之珽抱棺號泣盜感其孝舍之後任興安學

正

李天牖生員事親孝母病痢禱天願以身代及居喪哀

毀骨立三年不見笑容蒙題 旌雍正七年入孝子祠

孝子

任舍昉生員事母孝年荒負米涪化遇羣盜欲奪之一

盜曰此任孝子也不可奪護出隘口

龐貞性友愛有弟貿易平涼為負債者移屍陷害囚於獄貞聞急赴官謂事由己致宜代弟罪有司雪其冤並釋之

王象箕廩生力學篤行性尤孝冬月母病思食瓜覓弗得父病思食桃亦不得遂終身不食瓜桃後病熱醫謂食瓜可解泣不忍聞

孝子

趙允傑應元曾孫父有瑜明諸生避闖難居邠困幾死傑為傭以供年弱冠未學有王某延其父教子勸傑學

攻苦能文後扶父還里授徒食新物持箸不能下主人  
喻其意遺餽之父性嗜潔飲食器具精者貯以奉父遇  
廢字遺點污浣而焚之在邠娶李氏知書能孝父素懼  
雷傑聞趨侍左右嘗外出已宿矣聞雷急歸晦暝迷路  
忽雲開月出抵岩險得不墜李氏起立簷溜下呼曰父  
勿驚衣襟盡濕父歿殯葬盡禮晚益究心理學訓二子  
皆成立

劉懷珍貢生事父母孝父病篤禱神求代牀父得痊後  
父歿出授徒博束修以養母每食不下箸主人喻其意

餽其母及分析隨兄所愛與之不校得賧金二百自取  
五十曰兄無他生計也遇父母忌日易衣變食哀慕終  
其身

趙士倬幼時父訓蒙於外祖患痢倬典衣奉湯藥父約  
歸家夜闌未至倬往迎見父被賊毆仆剝衣倬扯衣曰  
以我衣易之勿令我父寒賊感之擲衣去弟士伸患痘  
危醫藥不愈倬祈禱遇僧藥倬拜受歸啟弟口灌之立  
愈覓僧不知所往咸以為孝友所感

熊日強恩貢終身孺慕父病侍湯藥不解帶者數月及

居喪三年不茹葷酒不入內室親自裹土築墓友愛兄弟教育子姪授生徒以品學為重著有易經一隅身卦廣義詩義餘編戴義晨星諸書

## 孝人口

宗子繩性陽廩貢國子監助教天性純篤祖母卧病衣不解帶禱於神願以身代及歿哀毀骨立三年不見齒不入內室壬申買韓姓幼子為僮後知宦裔焚券令歸家雖不豐遇年饑散糧濟急鄰里貧不能葬聘不能娶者必勉焉性好學每勸人子弟讀書

雖從洛生員事親孝備盡色養父病瘼七年朝夕侍側

及歿泣血三年不入內室後事繼母問安視膳卧病床  
褥衣不解帶者年餘邨子弟貧不能讀設家塾以訓之  
歲荒賑濟及婚葬不能者出貲勸其事宜鄉里之推恩  
戴德也

邢守禮父亨入義行傳幼失怙事母侯氏孝時弟穉弱  
伯兄謀分析守禮收在蜀貲積與兄弟俱家得復完性  
沉毅居恆以禮自範危坐終日無敬容每教子必舉諸  
葛武侯戒子書以勵之衣取淡素濟人急則不吝尤重  
士人有以士林沾餘庇旬相唁者實錄也

大瑞。

張璘江陽貢生一門孝友五世同居乾隆三十一年題旌如

詩用古字寫

例並

御製詩一章詩曰

二南風化久著人傳曾不

析嬰炊百口共相親兒無常父奚慚記犬為同牢或似  
陳表宅甯關一家勸所希比戶洽和淳

加賞緞疋

孝文。

張楠號蔭齋江陽增生父疾親嘗藥餌衣不解帶者數月

父歿廬墓三年嘉慶九年道光九年

庚寅歲連歉出銀數千金計口授貲全活甚眾立義塾

捐卷金施藥捨棺多美教年子爾燕訓導

忠義



明

段展邑舉人歷自在州知州轉餉出關駐瀋陽時日暈  
異常展移牒經畧言天象示警宜預飭邊防不報踰月  
外寇果至圍瀋陽城展督飭兵勇力戰不勝城破死之  
師心知字君翼舉人值寇氛起超授潞安知府闖賊陷  
關中進逼晉陽潞丞脅諸官開門迎賊心知曰吾頭可  
斷身不可辱賊蜂擁至具衣冠北向拜遂遇害弟淵知  
妻張氏暨家僕死難者七人

秦光祖少習騎射崇貞己巳賊至仗劍出戎為流矢所

中猶力戰不已死於賊

王祚丕字念茲生員崇貞甲戌流寇入境祚丕率鄉勇戰於王六十橋手及數賊為流矢所中歿府縣督學共扁其門

王烈字丕承武進士商雒守備癸未逆闖入關烈守城禦敵相拒二十一日援兵不至城陷被執罵賊死撫院賈公立碑旌獎

趙友梧字鳳喈歲貢盜蠢起梧率雲陽鎮居民守堡禦賊多斬獲賊攻城五日不能下計誑夜循後以奸人內

應城陷死之

趙九筵賊至堡筵捍禦賊屢登陴筵拒之中矢死鄉人  
建祠祀焉

王璉家故充漢中戎役值寇警父當往役璉年少代父  
往見知於都司委理兵務終事而還成化時賦役煩興  
璉與兄翔各輸金六百兩助餉恩賜七品冠帶嘉靖間  
翔子莊以紫陽歲貢徵為登仕郎璉子鄉以例監授省  
祭官

李進生員李儒曾孫值闖變進同兄選弟遇率鄉人固

守永堡勢窮賊入脅以及罵曰我秀才豈肯降賊與選  
遇俱被害

姜堯相例貢生流寇為逆堯相年八十矣憤詣賊營諭  
以大義賊繫之堯相大罵遂遇害

國朝

忠  
抄  
世

史氏僕不知其姓氏國初流賊夜逼西門村城有史氏

僕自外歸賊脅以及曰但呼開城勿去賊至僕許諾呼

守門者至大呼曰賊至急為備賊怒殺之城內有備賊

不得入今誌其塚曰義僕墓

此本書名

官

吳雲剛號詞仙甘肅固原州人咸豐之季任涇陽城守  
營把總同治元年五月回變雲剛率團登陴固守至十  
二月四日糧盡援絕城陷雲剛知事之不可為也時分  
守南城樓藏火藥數甕雲剛曰藏此適足以資敵賊  
若得此則東南數縣靡矣遂用火藥自焚死

此本書名

不知何處

海齡旗人涇陽縣丞回逆圍城與吳雲剛葛慶凱分段  
固守六月十五日天未明賊製雲梯登城守陴者少却  
齡望見潛移巨炮連轟斃賊多名賊始退未幾卒官紳  
皆失望城陷闔門死之

學名宦

葛慶凱涇陽典史分守東城城陷與賊奮力格鬥死家

屬盡殉

雷遇復邵陽舉人任涇陽縣教諭城陷與訓導溫懋同

罵賊死於明倫堂家屬亦悉遇害

張貽祖字蘭如舉人逆回圍城與吳雲剛分守南城城

陷大呼家人曰速死毋辱先人即反走如學署時已滿

城皆賊遂縊死明倫堂賊焚之事定後其友廩生張瑛

始拾其殘骸歸葬而同時奉人常家變廩生常家房山西巡撫曾與

侯廷訓導李臣候監且丞李俊均不屈死試考張士元常元

英占賊巷斃死

卷之六

此下至 駝底 斗皆回

時事連抄為一篇

志抄

# 志

固

郭固字達夫

浮陽

同治元年夏回變初起鄉人多攜

家運糧入城為自保計知縣莫元賡拒之固偕邑紳力

爭不許忿恚甚大言曰城內空虛而又棄糧於野以資

寇敵大事去矣十二月城果以乏食潰時固病不起猶

裂眦誓賊遂遇害城未陷之先一夕固自知無生理以

祖先木主坎地理之並逼令妻女自盡復詣大成殿叩

拜已誓曰吾當與元賡訟地下耳

死之日三原生員當

同見之固少孤貧工駢體文好吟哦著有棠東集城陷

劉俊焚於火

賈熙山西巡檢與候選訓導李經候選縣丞李俊均毀家抒難城陷死之

武舉張士元常元英等城陷與賊巷戰力盡死

劉价恩貢生元年十一月賊陷劉德堡被執索藏金价怒罵賊斷其臂仆地罵仍不已賊亂刺之

李金祥東留里人多膂力回亂與村人避地窖中伺賊過持長矛約有胆子弟數人狙擊而截其尾傷賊頗多比反迫則又入伏窖中賊出其途者率以為戒二年九



志  
抄曰

月賊偽帥余大正帶大隊來攻久不得志去金祥復尾而截之並傷大正賊怒益增兵而困其審衆以祥恃勇賈禍也怨之祥憤氣出門為賊所擒而支解之

徐正誼字董園國史館江陽議敘通判太常寺少卿徐

法績子也當回亂時在邑西周家道一帶督練鄉團六月十四日入城請火器行至盧家村遇賊率團衆與賊力戰將退至周家道力盡死之事聞家鄉

**恩**嘗雲騎尉世職

席授彤貢生席家村人以課蒙為業見回亂知勢不能

存以大庭三楹易麵數斤告家人白今日且飽食明日  
欲食恐不可得也及賊至悉令家人逃獨衣冠坐書室  
中指賊大罵賊怒殺之

志

○

馬五倫雲陽鎮西水磨村人賊陷雲陽五倫率團衆與

賊戰於鎮南門外殺傷過半獨冲出重圍後守水磨城

城破手提朴刀獨立東門與賊相持賊皆辟易忽一賊

以重挺自後擊之踣賊忿碎其屍其妻袁氏聞難攜女投井死

孝

○

駱應斗東留里人回亂時與二子榮祖克祖收禾於村

北坡下正收穫而賊至父子知不能免持手中鎌杈力

與賊鬥榮祖尤驍勇狙擊奪賊手中長矛格殺數人賊  
大隊忽至應斗先被戕榮祖見父遇害戰益力手中矛  
折為兩段急潰出圍回首見弟又傷持半段槍復殺入  
賊團擊之身帶七十餘傷而死

華映旭城陷同妻趙氏均不屈死

韓遇範與其弟遇瑞隣人秦鈺均被執不屈死

張家驤被執不屈死

王富兒賊陷雲陽鎮被執不屈死

呂協中賊犯漢堤洞被執不屈死

張復興城陷被執不屈死

嚴建元帶圍在口子鎮與賊力戰死

房茂春賊犯口子鎮被執不屈死

雒浩城陷被執不屈死

李鈺敏城陷罵賊死

張寅曦同弟寅亮均以罵賊死

楊效先賊陷開堡村被執罵賊死

熊偉城陷被執罵賊死

趙紹先城陷罵賊死

王永吉議敘縣丞賊陷涪化方里堡罵賊被戕死

王鳴崗賊犯興隆村被執罵賊死

按逆猖獗亂涇城失守尸骸遍野血肉狼藉其間仗  
義而死者何可勝數今僅記此數人其遺漏毋乃太  
甚但歷年久遠採訪難周甚或有詢其姓名而不知  
者茲姑就聞見稍確者畧記數<sup>人</sup>以存其事其餘死事  
諸君子俟詳加考詢以入他日邑乘可也

義行

明

趙敬生平樂善好施以例授散官歲逢大旱人多饑死  
敬出粟數百石自為賑濟鄉人藉以存活者甚衆見途  
中有暴骨輒施棺木出貲雇人瘞葬之時有疫病敬詢  
之醫家按方施藥毫不取償至孫元階中式舉人人以  
為厚德之報云

曹儼與弟恪均有義行正統間年荒出粟千石以賑濟  
之奉勅旌表

張敏富而好施遇年饑輒出粟千石以助賑鄉里賢之  
奉勅旌表

姚玉璽字信宇任甘州右營遊擊凡里中親故不能葬者捐已貲為之買棺卜地以葬焉遇歲饑恆出粟以賑貧乏鄉鄰德焉

趙思齊字心印舉人有文武才善六壬時賊寇橫起練土著築鎮堡城里人賴之崇貞庚辰歲大侵發粟賑濟一時多所全活子九成舉人

陳繼泰字憲宇舉人都察院司務慷慨好義少年多遠略崇貞己巳賊亂破產糾義旅數出奇勝之賊遁去閭里恃以安堵

國朝

劉象奇康熙辛未歲饑計口授食壬申又捐給牛種鄰里賴以全活者甚衆

張友仲庠生鄉飲介賓弟友貢友廉友偃俱監生康熙六十年大饑闔村欲逃仲等捐銀五百五十兩買米周給計四十餘家二百餘口又捐藥餌以活貧者友偃遊皋蘭焚債券二百餘兩友廉在西甯買一女欲携歸女泣告曰我碾伯大族女也為人略賣廉即訪還

翟從諭客袁州遇一人痛哭赴河諭救之問其故其人

孝子



曰某賣妻得三十金將還買官米銀甫入手失去此天  
亡我也何生為諭曰三十金易耳何輕生至是遂如  
數予之其人謝而去又一日於殿下橋遇一婦哭甚哀  
問之云有子十四歲因欠糧被拘恐不保諭如數代償  
之其他義行多類此

王人佐雲陽鎮廩生順治六年山寇猖獗佐倡修鎮西  
北門建樓五層集闔鎮婦女居其上俾不受賊污鎮人  
感之繪其像於上以誌不忘

亢能敬監生乾隆十五年在京捐建涇陽會館後又在

西安府捐修涇陽館招寓應試諸生十八年在本村捐  
貲建修姍睦倉貯穀千石歲歉出放不計息立義學貧  
不能讀者咸就焉

賈獻策貢生幼失怙乾隆十一年捐瀛洲書院膏火銀四  
百餘兩焚借約不下數千金十三年歲饑出銀五百兩  
賑濟臬憲武以好義並風表之妻孟氏奉策遺囑出銀  
三百兩散給鄉黨親族以遂其好施之志

孟師孔監生鄉飲大賓乾隆十三年大饑村中不舉火  
者四百餘口孔每人月給米三斗銀一兩村衆悉賴存

活後又連年歲歉師孔終按戶周給無異言並為里民代輸逋賦如數縣令高其義旌其閭

姚溥邑諸生性聰穎尤敦孝友與堂弟湘浩同居數十年無間言輕財尚義嘗焚券數千金儉於自奉一時知名之士以及老師宿儒晉接其門者比之廣廈云至若劉給諫之入都贈以千金劉松卿謫宦山東遺三百金迎之歸韓荇漪之蒙贈入京闈其嘖嘖人口者

姚德字玉如色西社樹堡人也家素封父俊恩賜舉人

孝子

孝子

花翎布政使銜候選鹽運使德少即折節讀書樂與士

君子遊長而束身如寒素性獨嗜古圖書器玩之屬遇

急難無不力為拯救嘗同治初元逆徇犯境焚燒殺

戮幾無孑遺大兵由西路進援飛芻挽粟州縣莫支德

獨詣軍門願輸數萬金以助軍餉並添造五渡船隻以

便利濟主事者聞其事於朝得旌獎如例及平定後捐

修社樹堡城以工代賑並散給牛種以招流亡又以兵

燹之後士多失業創修涇干書院使四方之來學者助

膏火焉後並以捐千五金取息作基金發商生息供書院常年

之費迄於士林猶食其德焉

孝子

吳乙東字子超澤陽色北之安吳堡人由廩貢生授岐山縣

教諭當咸同間秦中連年荒歉乙東先後捐賑銀至二

萬餘金並幫辦邑中賑務始終不以為勞學使許振禮

創修味經書院以邑紳怡立方督其事而經費之接濟

實乙東與姚德為之周旋故味經之成立二人與有力

焉

吳建勳乙東族姪亦封於財前後捐賑數次及創修味  
經書院建勳曾捐地興修故至今人並稱之

于榮祖字華亭邑西王橋鎮人祖士榮有隱德父振字

金聲賦性孝友母死事繼母如生母而又急人之急戚  
族里黨咸賴之以輸軍餉 誥授奉政大夫榮祖生有  
豪氣不拘小節兵燹後白渠淤塞知縣黃傳紳思議濬  
修而苦於費用浩繁召榮祖商之榮祖獨任其事毫無  
難色傳紳即以渠事委之果尅期告竣傳紳欲攤捐民間  
間以償榮祖不許遂給諭獎之歲饑並捐粟賑濟前後  
不下數千金並於西北鄉一帶設立義塾以教貧民子  
弟之無力讀書者

涇陽

柏森字子餘

西柏家村人

邑廩生候選郎中家頗素

封森少聰穎機警敏捷負不羈才及後見三原賀復齋

先生師事之始研究程朱之學光緒二年奇荒除正

捐之外獨賑西鄉七村堡及十八九年又賑西鄉十餘

村先後賑戶三千丁口萬餘庚子奇荒森捐賑麥三百

餘石及兩宮西幸進呈書籍若干部蒙賞

加四品銜兵燹後邑中祠宇均被焚燬及光緒十六年

知縣涂官俊始議重修森獨力修忠孝節義祠及倉聖

祠森生平自奉儉約與人無所相長獨專心於理學諸

獨力備忠孝節義倉聖三祠又

書故前後刊刻古今書籍若干種書籍浩繁茲不具載

悉取其有關於世道人心及卒之日凡有志未竟者猶囑

其子陸續刊之



節烈

唐

李氏楊三安妻夫死子幼晝耕夜紡凡三年葬舅姑及夫兄弟凡七喪太宗聞而異之賜帛三百段遣州縣存問免徭役

劉氏涇陽人田伯明之伯母伯明少孤劉氏年十九孀居操行貞固撫育伯明恩義甚篤劉以壽終伯明廬於墓側

金

王氏進士武師古妻師古病且死與訣曰汝年少早圖  
他適王氏誓守節奉舅姑如初詔旌其門

元

焦氏袁天佑妻至元間天佑從軍死甘州焦年少宗族  
欲改嫁之哭曰袁氏不幸三世早寡皆守節義豈可至  
我遂廢我生為袁氏婦死則葬袁氏土耳衆不復敢言  
事聞旌表

劉氏吳君璽妻未配而夫亡氏誓死守節甘貧織紡杜  
門不出三歷饑饉草蔬木皮以度殘年終不失其所焉

二楊氏李家姑婦也姑之夫逸其名婦夫李廷蕙姑婦  
俱早寡相繼守節事聞旌表名其所居街曰重節巷

明

毛氏任緣妻年十八夫亡無子事翁姑孝撫夫弟任秉  
謙子為嗣後秉謙亡遺妻楊氏同守節孝事舅姑鄉里  
推為一門雙節云

劉氏劉德昌之妻事姑孝膳必親餽以進稍不懌即長跑  
請責色解乃已夫先姑卒侍養數十年如一日姑病滌  
污嘗糞不解帶者彌月視前室子健不異生子价价貧

幾廢讀氏典簪珥供修脯卒以成立子婦李氏早逝撫  
孫友松慈而有方子健先氏歿遺子友竹氏臨終囑介  
曰善視此孤子介恩貢生孫友松舉人

祁氏王朝妻夫亡苦節撫幼子歲儉家人私語曰糊口  
不給何守節為氏痛泣以頭觸柱曰吾忍死為王氏一  
塊肉耳衆急救之左面青痕終身不變嘉靖間旌

閻氏周仁學妻年二十夫亡親饋穿穴者語之曰穿必  
大其壙穿穴者應且笑謂婦欲從夫地下乎葬之先一  
日自經死遂同穴焉

劉氏明處士傳登選妻年二十三夫故遺子納牖甫三  
歲氏志苦守撤簪珥勤織維舅姑先逝致祭必誠足不  
履戶外教子率自課程內外整肅以故納牖得成端士  
後孫曾輩科甲蟬聯以清白吏著稱世食節烈之報守  
節六十五年卒年八十有八

張四桂張倉女也倉早故四桂與母李氏居年十八鄰  
王宰以言挑之四桂畏惡密以語母已而母之田外扃  
其戶宰知踰牆入強之四桂據炕欄欄毀身終不移宰  
用錘斷其頭而去萬歷間崇祀烈女祠

楊氏王三有妻崇貞乙亥九月流寇掠氏大罵不從賊  
怒斷兩臂及股剖其腹有犬守其殘骸逾二日瘞訖始  
去  
于氏楊方妻訓導于徵女年十九歸視母而賊奄至強  
之行氏攀樹大罵賊怒殺之割其耳以去

井中烈婦明末賊掠永昌堡有二婦墜樓不死復投井  
死一楊氏三原秦某妻事載三原志一氏今第呼為井  
中烈婦云

袁氏監生劉顯祖妻年十九夫亡矢志守節值流寇肆

# 聖訓

掠氏懼辱泣以幼子付老僕自投井賊聞義而舍之傷  
左足終身殘廢子繼業妻曹氏經業妻鄧氏後俱以節  
著

國朝

李氏張士傑妻年十九寡無子請伯兄子為嗣未幾殤

聖訓

更求於仲仲難之曰俟十年後氏許之仲嘉其志以孫  
衷睿與之及老出枕下刀示孫曰藏此已三十餘年矣  
康熙乙酉旌年七十八歲嗣孫衷睿舉人

虞氏江南吳縣人劉芳烈客於蘇納為側室生子女各

# 列女

二年二十八芳烈士姑在陝寄書令更適不從撫子女  
守夫柩芳烈弟型至蘇先遣長子秉國歸慰姑望後携  
次子定國遣孝事姑嫡胡氏患癱氏服侍十三載不少  
怠長子事商次業儒俱成立氏少知書家貧自課其子卒

年五十九

○ 梁氏張四鋹妻幼讀書知禮年二十夫死都門聞訃投井以

救免長齋奉佛撫三子成立長士漢遵例贈鋹儒林郎

**安**次士浩官瀘州知州王氏鋹姪生員張士濤妻

年二十四夫因責債冀州已有病與氏訣曰汝今有姪



能為後計乎剪髮為誓數月生一子夫歿於外櫬歸痛  
絕一晝夜乃甦守節撫子女歷五十二年

張氏生員魏韓妻年二十九韓歿遺子大梁九歲矢志  
撫育入庠有聲娶婦黃氏大梁病謂黃曰孀母無依魏  
祀絕矣黃誓奉姑終身梁死黃年僅十八取房姪子億  
為嗣方二歲撫養成立姑病侍藥喪盡禮張守節六十  
三年卒黃守節五十九年卒

牛氏張克勤之妻十七居孀事姑撫子旱荒啖糠茹菜  
寇至刺面持刀以死拒賊憐其節退比舍俱焚氏家獨

烈女  
○

存守節五十八年卒

段氏候補都司張友顏妻年二十六顏病故誓以身殉

因有遺腹強活以奉姑生子顯猷撫之成立例貢成均

初家計窘歲荒率僕婢操碾臼上供精鑿自饜糠粃以

苦成節

馮氏楊士星妻星

涇陽

死於蜀

川覓生計

氏娠數月以笑肉容死氏年

二十生子三魁家赤立無舅姑兄弟僅有生父又衰老

徙依姊氏賴甥趙龍門時給薪水

氏紡績為活後三魁

娶楊氏三魁

入蜀搬父骸亦客死楊年二十二

念其

年少無子勸自計氏泣曰媳所以不死者以姑老無人  
養耳姑百年後媳歸母家度日姑無慮乃徙谷口其母  
家勸嫁亦不從康熙六十年荒<sub>焉</sub>媳餓食不忍飽楊  
氏涕泣勸姑食自忍饑不言<sub>焉</sub>年八十三卒楊守節四  
十年卒

張氏儒生吳承伯妻年十八承伯病篤視氏泣不語氏  
曰知之矣願矢志以奉二親承伯大痛而歿氏剪髮代  
殉竭力供旨甘康熙六十年饑或諷改嫁斷髮以誓初  
承伯亡有胞弟僅歲餘氏佐翁姑撫養授室及生子自

撫為嗣終其身窮苦不悔守節三十六年

張氏進士士錦孫太學生天績女為縣丞朱啟繼室年  
二十三啟謁選歿京邸聞訃痛絕念子女幼強食為撫  
孤計前出子三色喜色正維襄自出國祚尚襁褓一體  
教育喜入庠早夭氏哀至嘔血正列成均亦早逝無子  
命撫姪為嗣襄早年入泮祚登丙辰賢書初啟之宦歿  
也親柩未舉氏竭力營葬虔奉家祭睦親族恤僕婢親  
持家計以畢婚嫁尤尊師教子故各成其名守節逾三  
十年卒

五〇

門氏涇陽監生趙維均妻年二十二均故遺子毓秀五歲家

窘甚氏勤力作事孀姑姑病暑不解帶者三月姑歿貸

備棺殮以紛紜所積續還之 **撫子有成守節三十年**先

是氏之曾祖姑劉氏為舉人趙九成妻守節五十年有

孤燕巢堂之瑞姑梁氏為縣丞趙凱繼妻守節三十年

有孤燕重來之異 **書志之以表世節焉後子濬成進士**

尤西堂書考作瑞燕行 **以頌之**

王社姐涇陽王居正女年十五嫁孫氏子其姑故娼也社姐

婚夕一人華服入氏締視非日中合昏者閉房不納姑

五〇

聖

百計誘之不可嚴拷逼時取竹簽按十指血淋淋印壁上皆成手跡或至烙以鉄箸社姐終不為所奪數十日亡居正訟之官置孫于家法

○

晏貞女聖陽九春妻少養於李家未成禮九春出走巴里

坤數年訛傳已死翁令改適女不可及翁與嬸相繼歿

鬻產營葬貧無立錐親鄰勸嫁志終不奪邑孝廉牛振

聲嘉女節撰事畧貽鄉人之有事於西域者榜通衢九

春見之泣即日治裝歸始合聖陽焉時貞女年已四十矣

聖

某氏朱三妻三偶出婦獨居鄰某瞰婦色夜蒙狗皮抓

列女

門婦以為犬也納之則某執刀攜酒立燈下強求合婦許之飲以酒某刀案上飲畢解衣婦遽取刀力斫之中某右手五指負痛裸而遁

彭氏邢守璵妻夫故遺子三

**長璵次致次連**俱幼延師

訓讀教養成名璵年二十四為連平牧屢迎不就常郵

書以清勤戒有陶母風慈惠樂施遇歉歲出貲糴粟按

口授食保全甚多貧老無倚及無力婚葬者周恤罔間

焚借券約以千計故海甯陳相國獎其堂曰貞松慈竹

以子璵官思恩知府**封宜人**晉封恭人

列女

節婦白氏涇陽李連陞之妻同治元年賊陷城與貢生李之

華妻楊氏監生李應宸妻賈氏監生李霖之妻王氏縣

丞李俊之妻朱氏皆不屈死

列女

李氏涇陽城廩生常家彥妻賊陷城率候選訓導常德麟

之妾金氏候選典史常照麟妻張氏訓導常家燮庶祖

母呂氏生員常伯撫妻劉氏子凝郎女招弟月姐愛姐

俱罵賊遇害

某氏涇陽

洪陞妻涇陽武寨府有姿色避亂北山櫟樹村逆搜

山得氏急擄之氏投井賊復救出捆縛馬上至別村掠



財物氏乘間復投井死

袁氏雲陽鎮水磨堡馬五倫之妻五倫遇害氏攜十八

歲女先推之井中並投死井

辛氏宋克紹之妻城陷為賊所獲怒罵不從殺之

阜下村某氏賊擄去不從斷一手終不從死

張戒姐西住村張爾照之女同治元年五月二十八日

賊陷三原北關擄女女厲罵母王氏嫂劉氏撲救賊俱

殺之緜家山女遺其姓避亂與家人失賊過匿草中為

所獲賊悅之擁之行女卧地不起賊逼甚則罵以地上

# 翠

聖

土自毀其面賊笑曰任汝以漆塗終不舍汝也女愈罵

以手撲賊幾抉其睛賊怒以刀揮之至死罵不絕口

段氏北強村人候選訓導傅述祖妻同治元年冬城陷

飭次子傅墉姪傅堉堵賊巷戰氏率長女跟科子

婦韓氏楊氏姪婦常氏崔氏孫媳王氏孫阿齡孫女灌

兒冬兒嬋兒雪花眼兒投井訖乃持利刃自刎

絨仙雲陽鎮翟泰安女子窩子張堡白復信將嫁信溺

死女聞吞毒斃知縣涂官俊旌表其節

王女小字倩倩北屯保人與其母避亂冶谷鎮鎮陷賊

如

窺女貌強携之去不從母泣曰奈何女曰此何難斷去  
亦死不去亦死吾死所也復大罵賊怒剜其目踣忽躍  
起數尺死

漫陽

常女名秀英字孟店里劉杞齡未娶而杞齡死於蜀訃  
至女以守自矢父母不能奪遂適劉守節踰兩年言笑  
不異常人而翁姑終防之後杞齡柩自蜀歸女臨穴痛  
哭哭即已家人見其如是也防稍疎即於是夜自經時  
光緒二十三年七月十五日也督學使趙表其閭

